


增壹阿含經

卷三十六

二百六  
如六

49446

7



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置

馬

增壹阿含經卷第三十六

符秦建元年三歲曇摩難提譯

八難品第四十二 八法初

聞如是一時佛在舍衛國祇樹給孤獨園  
時世尊告諸比丘凡夫之人不聞不知而說  
時節比丘當知有八不聞之節人不得修行

云何為八若如來出現世時廣演法教得至  
涅槃如來所行然此衆生在地獄中不聞不  
覩是謂初一難若復如來出現世時廣演法  
教然此衆生在畜生中不聞不覩是謂第二  
之難復次如來出現世時廣說法教然此衆生  
在餓鬼中不聞不覩是謂第三之難復次如

來出現世時廣演法教然此衆生在長壽天  
上不聞不覩是謂第四之難復次如來出現  
世時廣演法教然此衆生在邊地生誹謗賢  
聖造諸邪業是謂第五之難復次如來出現  
世時廣演法教得至涅槃然此衆生生於中  
國又且六情而不完具亦復不別善惡之法  
是謂第六之難若復如來出現世時廣演法  
教得至涅槃然此衆生在於中國雖復六情  
完具無所缺漏然彼衆生心識邪見無人無  
施亦無受者亦無善惡之報無今世後世亦  
無父母世無沙門婆羅門等成就得阿羅漢  
者自身作證而自遊樂是謂第七之難復次

如來不出現世亦復不說法使至涅槃者又  
此衆生生在中國六情完具堪任受法聰明  
高才聞法則解修行正見便有物有施有受  
者有善惡之報有今世後世世有沙門婆羅  
門等修正見取證得阿羅漢者是謂第八之  
難非梵行人所修行是謂比丘有比丘八難非  
梵行所修行於是比丘有一時節公梵行人  
所修行云何爲一於是如來出現世時廣演  
法教得至涅槃然此人生在中國世智辯聰  
觸物皆明修行正見亦能分別善惡之法有  
今世後世世有沙門婆羅門等修正見取證  
得阿羅漢者是謂梵行人修行一法得至涅

槃介時世尊便說此偈

八難非一類

今人不得道

如今現在前

世間不可遇

亦當學正法

亦莫失是處

追憶過去等

便生地獄中

於是斷無欲

思惟於正法

久存於世間

而無斷滅時

於是斷無欲

思惟於正法

永斷生死原

久存於世間

已得於人身

分別正真法

諸不得果者

必遊八難處

今說有八難

佛法之要行

一難猶尚劇

如板孔浮海

雖當離一難

然可有此理

設離一四諦

永離於正導

是故當專心

思惟於妙理

至誠聽正法

便得無為處

是故比丘當求方便遠離八難之處莫願其中如是諸比丘當作是學尔時諸比丘聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘有八大地獄云何為八一者還活地獄二者黑繩地獄三者等害地獄四者啼哭地獄五者大啼哭地獄六者阿鼻地獄七者皸地獄八者大皸地獄是謂比丘八大地獄

尔時世尊便說此偈

還活及黑繩 等害二啼哭  
五逆阿鼻獄 皸大皸地獄  
此名八地獄 其中不可處

皆由惡行本

十六隔子圍

然彼鐵獄上

為火之所燒

遍一由旬內

熾火極赫盛

四城四門戶

其間甚平整

又以鐵作城

鐵板覆其上

斯由衆生罪報之緣令彼衆生受苦無量肉  
血銷盡唯有骨存以何等故名為還活地獄

又彼衆生形體挺直亦不動搖為苦所逼不  
得移轉形體已無肉血是時衆生自相謂言  
衆生還活是時彼衆生便自還活以此因緣

故名還活地獄復以何因緣名為黑繩地獄  
然彼衆生形體筋脉皆化為縊以鋸鋸身故  
名為黑繩地獄復以何因緣名為等害地獄



是時彼衆生集在一處而梟其首尋復還生  
由此因緣名爲等害地獄復以何因緣名爲  
啼哭地獄然彼衆生善本斷滅無有毛髮遺  
餘在在彼獄中受惱無量於中稱怨喚呼聲  
不斷絕由此因緣名爲啼哭地獄復以何因  
緣名爲大啼哭地獄然彼衆生在地獄中受  
無量苦痛不可稱計於中喚呼杵曾自擗同  
聲唱喑由此因緣名爲大啼哭地獄復以何  
因緣名爲阿鼻地獄然衆生類殺害父母壞  
佛偷婆鬪亂衆僧習邪倒見與邪見共相應  
一劫不可療治以是之故名爲阿鼻地獄復  
以何因緣名爲餓地獄然衆生類在彼獄中

形體烟出皆悉融爛故名爲燄地獄復以何  
因緣名爲太燄地獄然彼衆生在此獄中都  
不見罪人之遺餘故名太燄地獄是謂此丘  
由此因緣名爲八大地獄然八地獄一一地  
獄有十六隔子其名優鉢地獄鉢頭地獄拘  
牟頭地獄分陀利地獄朱曾有也獄永無地  
獄愚惑地獄縮聚地獄刀山地獄湯灰地獄  
火山地獄灰河地獄荆棘地獄沸屎地獄劍  
樹地獄熱鐵丸地獄如是比十六隔子不可  
稱量使彼衆生身壞命終生地獄中彼或有  
衆生毀正法者誹謗正法而遠離之命終之  
後皆生還活地獄中諸有衆生好喜殺生便

生黑繩地獄中其有衆生屠殺牛羊及種種  
類命終之後生等害地獄中其有衆生不與  
取竊他物者便生啼哭地獄中其有衆生常  
喜姪逸又復妄語命終之後生大啼哭地獄  
中其有衆生殺害父母破壞神寺鬪亂聖衆  
誹謗聖人習倒邪見命終之後生阿鼻地獄  
中其有衆生此間言語傳使至彼設彼間聞  
復傳來至此求人方便彼人命終之後生餓  
地獄中其有衆生鬪亂彼此貪著他物興起  
慳嫉意懷猶豫命終之後生大餓地獄中其  
有衆生造諸雜業命終之後生十六隔子之  
中是時獄卒役彼衆生苦痛難量或斷其手

或斷其脚或斷手脚或截耳鼻或取材木壓  
之或以草著其腹或取髮懸之或剥其皮或  
割其肉或分爲二分或還縫合或取五刑或  
取火側炙之或融鐵灑或五擦之或張其身  
或以利斧而梟其首尋復還生要當人所  
作罪畢然後乃出  
是時獄卒取彼衆生大槌碎其形體或取脊  
脉剥之又復駢逐使上劒樹復駢使下是時  
有鐵嘴烏尋復食之復取五繫之不得動轉尋  
復舉著大鑊湯中加以鐵叉而害其身風吹  
其身復還生如故是時獄卒復使衆生上刀  
山火山不令停住於中受苦不可稱量要當

人所作罪畢然後乃出是時罪人不堪受  
此苦痛復求入熱灰地獄中受痛無量復從  
中出入逆刺地獄其中風吹痛不可計復從  
中出入熱屎地獄中是時熱屎地獄中有輭細  
虫噉彼骨肉是時衆生不堪受苦痛復移至  
劍樹地獄傷壞形體痛不可忍是時獄卒語  
彼衆生日汝等爲從何來是時罪人報曰我  
曹亦復不知爲從何來又問爲從何去報曰  
亦復不知當何所至又問今欲求何等報曰  
吾等極患飢渴是時獄卒以熱鐵沈著彼罪  
人口中燒爛身體痛不可堪要當畢其罪本  
然後乃命終是時罪人復還經忤許地獄於

中受苦數千萬歲然後乃出比丘當知閻羅  
王便作是念諸有衆生身口意行惡盡當受  
如此之罪諸有衆生身口意行善者如是之  
比皆當生光音天是時世尊便說此偈

愚者常歡喜

如彼光音天

智者常懷懼

猶如處地獄

是時罪人聞閻羅王作是教令我今何日當滅  
昔所作罪於此命終得受人形生在中國與  
善知識共會父母篤信佛法於如來衆中得  
出家學道於現法中得盡有漏成無漏我今  
重告汝勤加用意去離八處得生中國與善  
知識相遇得修梵行所願成果不失本誓是

故比丘若善男子善女人欲離八大地獄及  
十六隔子者當求方便修八正道如是諸比  
丘當作是學今時諸比丘聞佛所說歡喜奉行  
聞如是一時佛在毗舍離柰氏園中與大比  
丘衆五百人俱漸漸復在人中遊化是時世  
尊還顧觀毗舍離城是時便說此偈  
今觀毗舍離  
更復不復覩  
亦復更不入  
於是當別去

是時毗舍離城中人民聞說此偈普懷愁憂  
從世尊後各各墮淚自相謂曰如來滅度將  
在不久世間當失光明世尊告曰止止諸人  
勿懷愁憂應壞之物欲使不壞者終無此理

吾先以有此四事之教由此得作證亦復與  
四部衆說此四事之教云何爲四一切行無  
常是謂一法一切行苦是謂二法一切行無  
我是謂三法涅槃爲滅盡是謂第四法本如  
是不久如來當取滅度汝等當知四法之本  
普與一切衆生而說其義尔時世尊欲使毗  
舍離城人民還歸卽化作大坑如來將比丘  
衆在於彼岸國土人民而在此岸是時世尊  
卽擲己鉢在虛空中與彼人民又告之曰汝  
等好供養此鉢亦當供養高才法師長夜之  
中獲福無量是時世尊與彼鉢已卽時詣拘  
尸那竭國是時拘尸那竭國人民五百餘力



士集在一處各作此論我同與遊辭特之事  
使後命終之時名稱遠布子孫共傳昔日拘  
尸那竭力勢叵及斯須復作是念當造立何  
功德尔時去拘尸那竭國不遠有大方石長百  
二十步廣六十步我等當共豎之盡其筋力  
欲得豎立而不剋獲亦不動搖何況能舉之  
乎是時世尊便往至彼所而生是日諸童子欲  
何所施為時諸童子即白佛言我等向者各  
作此論欲移此石使世世稱傳其名施功已  
來乃經七日然不能使此石移轉佛告諸童  
子卿等欲使如來豎此石乎童子報言今正  
是時唯願世尊當安此石是時世尊以右手

摩提此石舉著右手中擲著虛空中是時彼石乃至梵天上是時拘尸那竭力士不見此石而白世尊曰此石今何所至我等今日咸共不見世尊告曰此石今乃至梵天上童子白佛言此石何時當來閻浮里地上世尊告曰我今當引譬喻智者以譬喻自解設復有人往梵天上取此石投閻浮地者十二年乃到然今如來威神所感正尔當還如來說此語已。是時彼石尋時還來虛空之中。雨諸天華若干百種。是時彼童子五百餘人遙見石來各各馳散不安。本處佛告童子勿懷恐懼。如來自當知時。尔時世尊舒右手指接彼

石著右手手中而堅立之是時三千大千刹土  
六反震動虛空之中諸神妙天散種種優鉢  
蓮華是時五百童子皆歎未曾有甚奇甚特  
如來威神實不可及此石今長百二十步廣  
六十步然以一手而安處之是時五百童子  
白佛言如來以何力移動此石為神足力為  
用智慧力安處此石乎佛告童子曰吾亦不  
用神足力亦復不用智慧之力吾今用父母  
力安處此石諸童子白佛言不審如來用父  
母力其事云何

世尊告曰吾今當與汝引譬喻智者以譬喻  
自解童子當知十駱駝力不如一丸象力又

復十駱駝及一凡象力不如一迦羅勒象力  
又復十駱駝及一凡象力并迦羅勒象力不  
如一鳩陁延象力正使十駱駝一凡象乃至  
鳩陁延象力不如一婆摩那象力復計此象  
之力不如一迦泥留象力也復計諸象之力  
復不如一憂鉢象力復計余許象力復不如

一鉢頭摩象力復計余許象力復不如一拘  
牟陁象力復取計校之復不如一分陁利象  
力復取計校之復不如一雪象之力復取計  
校之復不如一香象之力復取計校之復不  
如一摩訶那極之力復取計校之復不如一  
那羅延之力復取計校之復不如一轉輪聖

王之力復取計校之復不如一阿維越致之  
力復取計校之復不如一補處菩薩之力復  
取計校之復不如一道樹下坐菩薩之力復  
取計校之復不如一如來父母遺體之力吾  
今以父母之力安處此石尔時五百童子復  
白世尊言如來神足力者其事云何世尊告  
曰吾昔日有弟子名曰目捷連神足之力最  
為第一尔時共遊在毗羅若竹園村中尔時  
國土至儉人民相食白骨盈路然出家學道  
乞求難得聖眾羸瘦氣力虛竭又復村中生  
民之類皆懷飢色無復聊賴是時大目捷連  
來至我所而白我言今此毗羅若極為飢儉

乞求無處生民困悴無復生路我亦躬從如  
來受此言教今此地下有自然地肥極爲香  
美唯願世尊聽許弟子反此地肥今在上使  
此人民得食噉之又使聖衆得充氣力我今  
時告目連曰諸地中蠕動之虫欲安處何所  
目連白言當化一手似此地形又以一手反  
此地肥使蠕動之虫各安其所我今時復告  
目連曰汝當有何心識欲反此地目連白言  
我今反此地形猶如力人反一樹葉而無疑  
難我今時語目連曰止止目連不須反此地  
肥所以然者衆生覩此當懷恐怖衣毛皆豎  
諸佛神寺亦當毀壞是時目連前白佛言唯

願世尊聽許聖衆詣鬱單越乞食佛告目連  
此大衆中無神足者當云何詣彼乞食目連  
白佛言其無神足者我當接詣彼土佛告目  
連止止目連何須聖衆詣彼乞食所以然者  
將來之世亦當如是飢儉乞求難得人無顏色  
尔時諸長者婆羅門當語比丘言汝等何不  
詣鬱單越乞食昔日釋種弟子有太神足遇  
此飢儉皆共詣鬱單越乞食而自存濟今日  
釋迦弟子無有神足亦無威神沙門之行便  
輕易比丘使彼長者居士普懷憍慢之心受  
罪無量目連當知以此因緣諸比丘衆不宜  
盡往詣彼乞食諸童子當知目連神足其德

如是計目連神足之力遍三千大千刹土無  
空缺處不如世尊神足之力百倍千倍巨億  
万倍不可以譬喻為比如來神足其德不可  
量也諸童子白佛言如來智慧力者何者是  
乎世尊告曰我昔日亦有弟子名舍利弗智  
慧之中最為第一如大海水縱廣不方四千  
由旬水滿其中又須彌山高八万四千由旬  
入水亦如是然閻浮里地南北二万一千由  
旬東西七千由旬今取較之以四大海水為  
墨以須彌山為樹皮現閻浮里地草木作筆  
使三千大千刹土人民盡能書欲寫舍利弗  
比丘智慧之業然童子當知四大海水墨筆



人之漸漸命終不能使舍利弗比丘智慧竭  
盡如是童子我弟子之中智慧第一不出舍  
利弗智慧之上計此舍利弗比丘遍滿三千  
大千刹土無空缺處欲比如來之智慧百倍  
千倍巨億万倍不可譬喻為比如來智慧力  
者其事如是是時童子復白佛言願更有  
出此力者乎世尊告曰亦有此力出諸力  
上何者是所謂無常力是今日如來夜半在  
雙樹間為無常力所牽當取滅度尔時諸童  
子咸共墮淚如來取滅度何其速哉世喪眼  
目尔時君荼羅繫頭比丘尼是婆陀長者女  
此比丘尼便作是念吾聞世尊取滅度不久

然日數已盡今宜可往至世尊所親覲問訊  
是時彼比丘尼即出毗舍離城往至世尊所  
遙見如來將諸比丘衆及五百童子欲詣雙  
樹間尔時比丘尼至世尊所頭面礼足白世  
尊言我聞世尊取滅度將在不久世尊告曰  
如來取滅度正在今日夜半耳是時比丘尼  
白佛言我今所以出家學道又不果所願然  
世尊捨我滅度唯願說微妙之法使果其願  
世尊告曰汝今當思惟苦之原本比丘尼復  
白佛言實苦世尊實苦如來世尊告曰汝觀  
何等義而言苦乎比丘尼白佛言坐苦老苦  
病苦死苦憂悲惱苦惡憎會苦恩愛別苦取

要言之五盛陰苦如是世尊我獲此集已故  
言謂苦

是時比丘尼思惟義已即於座上得三達智  
是時比丘尼白佛言我不堪見世尊取滅度  
唯願聽許先取滅度是時世尊默然可之是  
時比丘尼即從座起禮世尊足尋於佛前身飛  
在虛空作十八變或行或坐或復經行身放烟  
火踊沒自由無所觸礙或出水火遍滿空中  
是時彼比丘尼作無鞅數變已即於無餘涅  
槃界而取滅度是時當取滅度之日八萬天  
子得法眼淨尔時世尊告諸比丘我聲聞中  
第一比丘尼智慧捷疾者所謂君荼羅比丘尼

足是也

是時世尊告阿難曰汝往雙樹間與如來敷  
座對曰如是世尊即受佛教往雙樹間與如  
來敷座還至世尊所頭面禮足白世尊言敷  
座已訖使頭北向宜知是時即時世尊往彼  
樹間就所敷座是時尊者阿難白世尊言  
有何因緣如來敷座言頭北向佛告阿難吾  
滅度後佛法當在北天竺以此因緣故使敷  
座北向是時世尊分別三衣尔時阿難白佛  
以何等故如來今日分別三衣佛告阿難我  
以當來之世檀越施主故分別此衣耳欲使  
彼人受其福故故分別衣耳是時世尊須臾

之頃口出五色光遍照方域。爾時阿難復白  
佛言：復以何因緣如來今日口出五色光？世  
尊告曰：我向作是念，本未成道時，長處地獄，  
吞熱鐵丸，或食草木長，此四大，或作騾驢駱  
駝象馬猪羊，或作餓鬼長，此四大，或作人形，  
有受胎之厄，或受天福，食自然甘露。我今已  
成如來，以根力覺道成如來身，由此因緣，故  
口出五色光耳。是時須臾之間，口出微妙之  
光，勝於前光。是時阿難白世尊言：復以何因  
緣如來重出妙光，勝於前者？世尊告曰：我向  
者作是念，過去諸佛世尊取滅度時，遺法不  
久存於世，我復重思，惟以何方，便使我清得。

久存在世如來身者金剛之數意欲碎此身  
如芥子許流布世間使將來世信樂檀越不  
見如來形像者取供養之因緣是福祐當生四  
姓家四天王家三十三天炎天兜術天化自  
在天他化自在天因此福祐當生欲界色界  
無色界或復有得真陀洹道斯陀含道阿那  
含道阿羅漢道辟支佛道若成佛道由此因  
緣故出斯光明耳是時世尊躬自袈僧伽  
梨四疊右脇著地脚脚相累是時尊者阿難  
悲泣涕零不能自勝又自考責既未成道爲  
結所縛然復世尊捨我滅度當何恃怙是時  
世尊知而告諸比丘曰阿難比丘今爲所在

諸比丘對曰阿難比丘今在如來床後悲號  
墮淚不能自勝又自考責既不成道又不斷  
結使然今世尊捨我涅槃今時世尊告阿難  
曰止止阿難無為愁憂夫物處世應當壞敗  
欲使不變易者此事不然勤加精進念修正  
法如是不久亦當盡苦際成無漏行過去時  
多寶阿竭阿羅訶三耶三佛亦有如此侍者  
正使將來恒沙諸佛亦當有此侍者如阿難  
比轉輪聖王有四未曾有法云何為四於是  
轉輪聖王欲出國界時人民見者莫不喜悅  
今時轉輪聖王有所言教其有聞者靡不喜  
悅聞其言教乃無厭足今時轉輪聖王

正使民人見王默然亦復歡喜是謂此比丘  
輪聖王有此四未曾有法比丘當知阿難今  
日亦有四未曾有法云何爲四正使阿難比  
丘默然至大衆中其有見者莫不歡悅正使  
阿難比丘有所說者其聞語者皆共歡喜假  
使默然亦復如是正使阿難比丘至四部衆  
中刹利婆羅門衆中入國王居士衆中皆悉  
歡悅興恭敬心視無厭足正使阿難比丘有  
所說者其聞法教受無厭足是謂比丘有此  
四未曾有法是時阿難白出尊言當云何與  
女人從事然今比丘到時著衣持鉢家家乞  
食福度衆生佛告阿難莫與相見設與相見



莫與共語設共語者當專心意

尔時世尊便說此偈

莫與女交通

亦莫共言語

有能遠離者

則離於八難

增壹阿含經卷第三十六

如

息完

尸二

同官反

劇

奇

赫

盛

客

逼

彼力

擬

直

正上

他頂反

筋

脉

上音斤

絃

線

鋸

音

梟

反古堯

推

直

膏

上直

馘

俱獲

唱

嗥

下音高

偷

婆

此云塔又

縮

推

直

聚

上反

荆

棘

上居

壓

之

上音

草

摺

略

知

碎

反

知

碎

剥

反必

縫

音

五

別

下音

五

擦

正作

濡

字

色

反

我

碎

下上

直追

反

脊

脉

上音

鐵

喙

下許

濡

字

色

反

我

碎

碎

摩 救

粉下 武

鳩

居

求

羅 若

者下 汝

聊

賴

郎上

彫

反

止

蠕

動

而

淮

反

較

音教

去

卷

蘇浪

天

竺

竹下

音

方

域

于

駮

驢

和

劈

僧

亦

脅

脇

皇

業

反

涕

零

體

恃

怙

下

音

悲

踰

下

音



